



**KEMENTERIAN KESIHATAN MALAYSIA  
MINISTRY OF HEALTH MALAYSIA**

**KENYATAAN AKHBAR  
MENTERI KESIHATAN MALAYSIA**

**PERUTUSAN TAHUN BARU CINA 2016**

Kementerian Kesihatan Malaysia,  
Aras 13, Blok E7, Parcel E,  
Pusat Pentadbiran Kerajaan  
Persekutuan,  
62590 Putrajaya

Tel : 603-88832527  
Faks : 603-88896188  
Emel : kkm@moh.gov.my

Sekali lagi seluruh rakyat Malaysia , terutamanya yang berketurunan Tionghua akan menyambut Tahun Baru Cina. Sebagaimana tahun sebelum ini, Tahun Baru Cina disambut dengan meriah dalam suasana aman dan harmoni.

Keharmonian yang terserlah dalam perayaan Tahun Baru Cina ini adalah cerminan betapa negara majmuk seperti Malaysia jauh lebih istimewa dan berjaya berbanding dengan kebanyakan negara lain. Lebih menarik dan unik, suasana keharmonian di Malaysia turut dijelmakan ketika musim perayaan dengan amalan kunjung-mengunjung dan rumah terbuka.

Formula yang telah diguna pakai oleh pemimpin terdahulu hingga sekarang dalam menguruskan perbezaan antara kaum adalah kunci kepada kemakmuran negara. Kehidupan rakyat yang aman dan sempurna telah dijadikan prasyarat utama sehingga membawa kepada kejayaan dan kemajuan Malaysia pada hari ini.

Jika dibandingkan dengan negara lain yang sentiasa bergolak walaupun tidak terdiri dari rakyat yang berbilang bangsa, Malaysia masih gagah berdiri sebagai negara contoh kerana hubungan kaum yang harmonis.

Ada di antara mereka juga telah mula menghiasi rumah masing-masing dengan hiasan warna merah. Ini menandakan yang kita akan meraikan perayaan yang sangat meriah ini bersama. Pada perayaan ini, pelbagai juadah boleh dinikmati bersama. Yee Sang adalah makanan tradisi yang merupakan simbol tuah, kemakmuran serta Kesihatan yang baik.

Hayatilah musim perayaan ini dengan penuh kegembiran tanpa menjelaskan Kesihatan. Oleh itu, pesanan saya kepada semua rakyat Malaysia, makanlah secara sihat kerana “Makan Secara Sihat Kunci Kesihatan”.

Di kesempatan ini, di atas semangat 1Malaysia, saya dan warga kerja Kementerian Kesihatan Malaysia ingin mengambil ini mengucapkan Selamat Tahun Baru Cina kepada semua masyarakat Tiong Hua, Gong Xi Fa Chai. Semoga tahun ini memberi lebih banyak kemakmuran dan kesejahteraan kepada rakyat dan negara.

**YB DATUK SERI DR. S. SUBRAMANIAM**

Menteri Kesihatan Malaysia

7 Februari 2016